

Norihan Binti Anah

From: Unit Komunikasi Korporat
Sent: Tuesday, December 5, 2017 12:17 PM
To: UUM - All Staff; UUM - All Students
Subject: MoA Antara OpenLearning – UUM Rancarkan Pembangunan MOOC



Unit Komunikasi Korporat
CORPORATE COMMUNICATION UNIT
Universiti Utara Malaysia



5 DISEMBER 2017 / 16 RABIULAWAL 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Hairul Nizam Zahari

MOA ANTARA OPENLEARNING – UUM RANCAKKAN PEMBANGUNAN MOOC



UUM ONLINE: Pemeteraian Memorandum Persetujuan (MoA) antara Universiti Utara Malaysia (UUM) dan OpenLearning Global (M) Sdn Bhd bakal merancakkan lagi pengajian dalam talian atau dikenali dengan *Massive Open Online Courses* (MOOC) seiring kecanggihan teknologi maklumat dan komunikasi (ICT).

Majlis pemeteraian itu menyaksikan Naib Canselor UUM, Prof. Dato' Seri Dr. Mohamed Mustafa Ishak dan CEO OpenLearning, Adam Brimo menandatangani dokumen MoA tersebut di Bilik Tamu, UUM, semalam.

Pada majlis berasingan, Pusat Pengajaran Pembelajaran Universiti (UTLC) turut mengadakan Sesi Perbincangan Pengurusan Tertinggi UUM yang berlangsung di Bilik Senat bagi mendedahkan pengurusan tertinggi UUM akan penggunaan MOOC dan potensinya dalam penjana kewangan universiti.

“Universiti berdepan dengan cabaran yang hebat yang perlu mengutamakan kualiti seiring dengan kesedaran pelajar yang sedia mencuba sesuatu baru dalam pelbagai aspek.

“Kepesatan teknologi maklumat dalam bidang pendidikan mencipta dimensi baru dalam proses pengajaran dan pendidikan (P&P), *Massive Open Online Courses* (MOOC) untuk pengajian di atas talian dan pendidikan jarak jauh,” ujar Adam Brimo.

Jelasnya, MOOC merupakan konsep belajar merentasi sempadan, menjimatkan kos dan gaya pembelajaran moden sekali gus menarik minat para pelajar untuk menyertai kursus secara atas talian.

Katanya, OpenLearning yang berpangkalan di Sydney, Australia kini membuka cawangan di Kuala Lumpur bagi memudahkan lagi operasi OpenLearning di Malaysia.

Menurut Naib Canselor, UUM sedia bekerjasama dengan OpenLearning dalam usaha mempromosikan penerbitan dan penyelidikan.

Hadir sama, Timbalan Naib Canselor (Hal Ehwal Pelajar dan Alumni), Prof. Dr. Abdul Malek Abdul Karim, Timbalan Naib Canselor (Akademik & Antarabangsa), Prof. Dr. Yusnidah Ibrahim dan Pengarah UTLC, Prof. Madya Dr. Fauziah Abdul Rahim.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
✉ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.